



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

02.02.2023

58-tm-son

### **Talabaga hayfsan e'lon qilish to'g'risida**

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator chora-tadbirlar amalga oshirilmoqda.

Shunga qaramasdan ayrim talabalar tomonidan jamiyatda yurish-turish qoidalariga rioya qilmaslik, xulq-atvorga bo'lgan talablarga oid yagona yondashuvlarni hurmat qilmagan holda universitet Odob-axloq kodeksida belgilangan me'yorlarni buzish holatlari kuzatilmoqda.

Jumladan, Xususiy huquq fakulteti 3-kurs talabasi O'lmasov Muhammadjon Azizjon o'g'li tomonidan shu fakultetning 4-kurs talabasi Po'latova Farangiz Rustam qiziga nisbatan doimiy ravishda ta'qib amalga oshirilib kelingan. M.O'lmasov F.Po'latovanning ijtimoiy tarmoqlardagi akkauntlariga doimiy ravishda uni yaxshi ko'rishi, o'ziga turmushga chiqishi borasidagi javobsiz murojaatlarini yuborib turgan. Shu bilan birgalikda Po'latova Farangiz Rustam qiziga tegishli bo'lgan shaxsiy telefon raqamini ham topib, unga doimiy ravishda sutkaning turli vaqtlarida, jumladan tungi vaqtlarda ham telefon qilib, shaxsiy xabarlar yuborib turgan. F.Po'latova tomonidan uni bezovta qilmasligi haqidagi bir necha bor tushuntirishlarga qaramasdan uning ish joylarini aniqlab, ishxonasiga ham borgan hamda F.Po'latova va hamkasblarining tinchini buzgan. F.Po'latova tomonidan chaqirilgan qo'riqlash xizmati xodimlariga uni yaxshi ko'rishini, qiz ham uni yaxshi ko'rishini, shunchaki hozir noz qilayotganligini aytgan. F.Po'latova tomonidan yig'lab qilingan iltimoslar natijasida qo'riqchilar M.O'lmasovni tashqariga olib chiqib ketishgan.

F.Po'latovanning onasi Gulyamova Kamola Qaxramonovna talaba M.O'lmasov bilan shaxsan uchrashib qizini tinch qo'yish borasidagi talablar ham uning o'z hatti-harakatlarini to'xtatishi uchun yetarli bo'lmagan. Aksincha M.O'lmasov F.Po'latovani "j\*\*\*b", "f\*\*\*sha" kabi nomaqbul so'zlar bilan haqorat qilish darajasiga yetgan. Shundan so'ng F.Po'latova Universitet Odob-axloq komissiyasiga ushbu talabaga nisbatan ta'sir chorasi qo'llanilishini so'rab ariza bilan murojaat qilgan.

Universitet Odob-axloq komissiyasi a'zolari tomonidan talaba M.O'lmasovdan mazkur holat yuzasidan tushuntirish olinganida, u bo'lgan holatlarni tasdiqladi hamda F.Po'latovanning o'ziga nisbatan e'tiborsizligidan jahli chiqib ketganligini bildirdi. Shu bilan birgalikda chin ko'ngildan pushaymon ekanligini hamda bu holat takrorlanmasligiga va F.Po'latovani boshqa bezovta qilmasligiga kafolat berdi.

Talaba O'lmasov Muhammadjon Azizjon o'g'li o'zining yuqoridagi xatti-harakatlari bilan Toshkent davlat uridik universiteti Odob-axloq kodeksining

16-moddasi 2-xatboshisi (har qanday huquqbuzarlik yoki jinoyat sodir etish, jumladan, tuhmat qilish, haqoratlash), 18-modda 2-bandida (Xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyan man etiladi) belgilangan qoidalarini qo'pol ravishda buzgan.

Yuqoridagilarni inobatga olib, O'zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizomning 36-bandi "g" kichik bandi, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 16 va 18-moddalari hamda universitet Ichki tartib qoidalari (ichki mehnat tartibi qoidalari)ning 83-bandiga asosan shuningdek universitet Odob-axloq komissiyasi xulosasiga muvofiq

### **BUYURAMAN:**

1. Universitetning Xususiy huquq fakulteti 3-kurs talabasi O'lmasov Muhammadjon Azizjon o'g'liga universitet Odob-axloq kodeksi 16-moddasining ikkinchi hamda 18-modda ikkinchi bandida keltirilgan talablarni buzganligi uchun hayfsan e'lon qilinsin.

2. Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) talabalarining shaxsini sir saqlagan holda fakultet talabalari o'rtasida ushbu buyruqning mazmun mohiyati, ichki tartib qoidalarini buzish oqibatlarini haqida tushuntirish ishlari o'tkazilishini ta'minlasin.

3. Xususiy huquq fakulteti dekani (B.Musayev) mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

### **Kiritildi:**

Dekan (fan doktori yoki fan doktori (Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki professor ilmiy unvoniga ega bo'lgan)

B.MUSAYEV



### **Kelishildi:**

Yoshlar masalalari va ma'naviy-ma'rifiy ishlar bo'yicha birinchi prorektor

A.XASHIMHONOV



Dekan (fan doktori yoki fan doktori (Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki professor ilmiy unvoniga ega bo'lgan)

SH.SAYDULLAYEV



Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

A.BABADJANOV



Dekan (fan doktori yoki fan doktori (Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki professor ilmiy unvoniga ega bo'lgan)

D.UMARXANOVA



Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

D.KAMALOVA



Direktor

SH.PO'LOTOV



DALIROV

